


Die Jakkals



Die Jakkals

1. 'n Muis in die kombuis.....1
2. Tommie se werk.....3
3. Plaas toe.....5
4. Die Jakkals.....7
5. Rooikatte.....10
6. Tommie is slim.....13



ng



ui

Hierdie boek behoort aan

'n Muis in die kombuis

Bettie sit in die kombuis.

Sy sit op die vloer en speel.

Die kat kom in.

Bettie is bly om hom te sien.

"Tommie," sê Bettie.



Toe sien sy dat hy 'n muis
gevang het.

"Tommie!" sê Bettie.

"'n Muis! Jy het 'n muis!"

Tommie sit die muis op die vloer langs

Bettie neer.



Bettie spring op!

Die muis is nie dood nie.



Hy hardloop op die vloer.

Bettie skree. Sy is bang vir die muis.

Sy skree en skree. Sarie kom in.

"Ma! Ma! 'n Muis!" skree Bettie.

Sy wys met haar vinger.




Sarie sien die muis op die vloer.

Sy skrik. Sy hou ook nie van muise nie.

Die kat kruip agter die muis aan.

Sarie en Bettie staan en kyk.



Tommy se werk


3

Tommy kruip agter die muis aan.

Sarie en Bettie staan en kyk.



Skielik vang Tommy die muis.




Nou speel hy met hom.

Sarie en Bettie kyk.




Bettie wil skree en huil,
maar sy bly stil en kyk.



Skielik byt die kat die muis dood.

Hy tel hom op en gaan sit onder die tafel.



Bettie is ontsteld.

"Tommie eet die muis," huil sy.

"Toe maar, Bettie," sê Sarie.



"Moenie huil nie.

Dit is Tommie se werk.

Hy is slim.

Hy weet hy moet muisse vang.

Dit is 'n kat se werk."



Plaas toe

5

Jan en Marie bly op 'n plaas.

Jan is Piet se broer.

Jan en Marie het 'n kind.

Die kind se naam is Jannie.

Piet en Sarie kuier op die plaas.

Bettie en Jannie speel lekker saam.

Sarie en Marie drink tee.

Hulle gesels lekker.

Piet en Jan is veld toe.


Hulle het 'n jakkals gaan jag.

Baie bokkies lê dood in die veld.

Piet en Jan moet die jakkals gaan vang.



Hulle het die jakkals met honde gaan jag.



Bettie weet nie hoe lyk 'n jakkals nie.

Sy wil 'n jakkals sien.

Sarie sê 'n jakkals lyk soos 'n hond.

Piet sê 'n jakkals lyk soos 'n hond met
groot tande.

Die jakkals byt die bokkies dood.

Bettie voel bang om dit te hoor.

Sy en Jannie speel lekker saam,
maar sy wonder altyd hoe lyk 'n jakkals.

Die Jakkals

7

Piet en Jan kom huis toe.

"Kom Bettie, kom Jannie!" roep hulle.


"Kom kyk!

Ons het die jakkals gevang."

Almal kom kyk.

Daar op die grond lê die jakkals.

Bettie staan en kyk.



Die jakkals is dood, maar Bettie voel bang.


Sy staan nie naby nie.

Sy kan die jakkals se een oog sien.

Die jakkals se oog is oop.

Bettie is bang hy kan haar sien.

Sy is bang hy gaan opspring.



Sy is bang hy gaan opspring en haar byt!

Bettie sien die jakkals se tande.

Die jakkals se tande is groot.

Die jakkals se tande is skerp.

Bettie gaan staan langs haar ma.

Sy hou vas haar ma se hand.

Sarie lag.


"Moenie bang wees nie, Bettie," sê sy.

"Die jakkals is dood.

Hy kan jou nie byt nie.

Hy kan ook nie weer die bokkies vang nie.

Hy is dood. Die bokkies in die veld is bly."



Bettie staan en kyk. Die jakkals lê daar.

Die jakkals se een oog kyk vir haar.

Bettie weet die bokkies is bly.

Sy weet sy moet ook bly wees.

Maar sy voel net bang!




Piet en Sarie en Bettie is terug by die huis.

Een aand sê Piet vir Sarie,

“Ek het vandag vir Jan en Marie

in die dorp gesien.

Hulle het winkel toe gegaan.”



“Hoe gaan dit met hulle?” vra Sarie.

“Dit gaan goed,” sê Piet.

“Hulle sê ons moet weer kom kuier.

Maar Jan sê hulle sukkel met rooikatte
op die plaas.


Daar is rooikatte wat die bokke vang."

Bettie luister wat haar pa vir haar ma sê.

Sy wonder wat is 'n rooikat.

Sy weet hoe lyk 'n jakkals.

Sy weet dat 'n jakkals die bokke kan vang.




Sy het eendag 'n dooie jakkals op die plaas gesien.

Sy was bang vir die jakkals, al was hy dood.

Maar nou praat haar pa van rooikatte.

Bettie wonder wat is 'n rooikat.

Tommie is 'n kat.



Maar hy is nie rooi nie,

en hy kan ook nie bokke vang nie.

Hy kan net muisse vang.

Bettie hou van Tommie.

Piet sien hoe Bettie staan en luister.

Hy vra vir haar,

"Weet jy wat is 'n rooikat, Bettie?"

Sy skud haar kop.

"Kom sit hier langs my,

en ek sal jou vertel," sê haar pa.

Piet sê vir Bettie,

“Rooikatte is katte, soos Tommy.

Maar hulle is baie groot.

Hulle het groot tande, en rooi hare.

Hulle is katte, soos Tommy,

maar groot en sterk en wild.”



Bettie wens sy kan 'n rooikat sien.

Dit moet baie groot wees.

Tommie kan nie bokke vang nie.

Hy is te klein.



Toe vra Sarie,

"Wat eet rooikatte,


as hulle nie bokke moet eet nie?"

Piet sê, "Hulle vang diere soos

steenbökkies, of dassies,



of jong springbokkies."



Bettie vra, "En muise?"



Piet lag.

"Ja, Bettie," sê hy.

"Jy's reg.

Rooikatte eet ook muise, net soos Tommie.

Onse Tommie is kleiner as 'n rooikat,
maar hy is net so slim.

Hy kan ook muise vang,
net soos 'n groot sterk wilde rooikat."